



SURAT KHABAR	:	KOSMO	MUKA SURAT	:	16
TARIKH	:	30/7/2018			
JABATAN	:	PERHILITAN			
KLASIFIKASI	:	PERHATIAN			

Dua ekor gajah musnahkan tanaman ditangkap Perhilitan

JELI - Dua ekor gajah termasuk seekor gajah betina yang sering memusnahkan tanaman penduduk akhirnya ditangkap di Kampung Jerek dan Kampung Salor di sini kelmarin.

Dalam kejadian pukul 9 pagi itu, kedua-dua haiwan liar yang berusia hampir 20 tahun dengan berat masing-masing kira-kira satu tan telah ditembak menggunakan ubat pelali oleh pasukan Jabatan Perlindungan Hidupan Liar dan Taman Negara (Perhilitan).

Pengarah Perhilitan Kelantan, Mohd. Hasdi Husin berkata, kedua-dua ekor gajah itu dikesan penduduk berada di kawasan kebun getah dan durian sebelum enam kakitangannya kemudian melakukan operasi menangkap

haiwan tersebut.

"Dua gajah ini dipercayai merupakan sebahagian daripada kumpulan mamalia itu yang mengganggu tanaman kebun penduduk di sekitar kampung-kampung di Batu Melintang di sini. Ada penduduk yang melaporkan, mereka juga pernah terserempak dengan sekumpulan haiwan itu.

"Gajah-gajah dari Hutan Simpan Gunung Basor dekat sini itu mungkin masuk ke kawasan kampung untuk mendapatkan makanan berikutan musim buah-buahan ketika ini," katanya ketika ditemui di sini semalam.

Kedua-dua ekor gajah yang ditangkap itu akan dipindahkan dalam masa terdekat dan usaha itu akan dilakukan dengan ban-

tuhan gajah denak dari Pusat Konservasi Gajah Kebangsaan, Kuala Gandah, Pahang.

Sementara itu, seorang penduduk, Isa Harun, 65, berkata, sudah banyak kali tanaman di kebun getah tempatnya menoreh diganggu haiwan liar tersebut.

"Perasaan takut memang ada, tetapi saya akan tetap ke kebun getah untuk mencari rezeki. Sekarang saya lega apabila salah seekor haiwan ini telah ditangkap," ujarnya.

Seorang lagi penduduk, Samli Mohd. Nor, 59, pula berharap tiada lagi ancaman haiwan liar tersebut kerana bimbang nyawa mereka akan terancam jika terserempak dengan gajah-gajah itu.



KAKITANGAN Perhilitan menunjukkan seekor gajah betina yang ditangkap di Kampung Salor, Jeli kelmarin.